

大般若波羅蜜經

卷第四百一

四十一  
金一

47208



Faint, illegible text or markings, possibly bleed-through from the reverse side of the page.

Small, illegible markings or text at the bottom center of the page.



大般若經第二會序

沙門 玄則撰

博學方判

金

觀夫委契中道據妙軌於无垠流賞一歸漾  
玄津於有截何嘗不首情而汲悟即事以排  
疑疑繁而誨自廣悟初而訪逾篤所以重指  
鷲阿再扣龍衆慧命相聚則善現居宗法忍  
爲群則妙祥瑞首既而搖區示警闢寓開嚴  
舌掩大千身分巨億光汎慈影而六趣霑和  
聲颺法言而十方動訊既駭殊觀方希秘辨  
或謂迹高類誕情昏佇祈故嘗言曰殉蠡管之  
察是病高深執螻菌之辰終欺歲祀夫以淺  
定微術猶擅五通小善片言實應千里況挺



孕羣品彈厭衆靈萬期一會窮真極遠是使  
微塵刹土不動而遊恒沙諸佛不謀而證非  
般若至蹟其孰能致此是用十空瑩矚七如  
朗聽雖惱趣森橫寂岸層迥莫不同幻藥之開  
落不滅不生比夢象之研蚩無染無淨颺谷  
投響則譽毀共銷月池寢色則物我俱謝文  
優理誼感通悟永凡有八十五品七十八卷  
即舊大品光讚放光然大品之於光讚詞倍  
豐而加美即明此分之於大品文益具而弥  
正攢輝校寶豈不盛歟

大般若波羅蜜多經卷第四百一

金

三藏法師

玄奘奉詔譯



第二分緣起品第一

如是我聞一時薄伽梵住王舍城鷲峰山中  
與大苾芻衆五千人俱皆阿羅漢諸漏已盡  
無復煩惱得真自在心善解脫慧善解脫如  
調慧馬亦如大龍已作所作已辦所辦棄諸  
重擔逮得已利盡諸有結正知解脫至心自

在第一究竟除阿難陀獨居學地得預流果  
具壽善現而爲上首復有五百苾芻尼衆皆  
阿羅漢尊者持譽而爲上首復有無量鄔波  
索迦鄔波斯迦皆已見諦復有無量無數菩  
薩摩訶薩衆一切皆得諸陀羅尼及三摩地  
常居空住行無相境無分別願恒現在前於

諸法性具平等忍得無礙辯不退神通言行  
清高翹勤匪懈演暢正法無所希求應理稱  
機離諸矯誑於深法忍到究竟趣斷諸怖畏  
降伏衆魔滅一切惑摧諸業障智慧辯才善  
巧具足已無數劫大誓莊嚴含笑先言舒顏  
和視讚頌美妙辯說無窮威德尊嚴處衆無  
畏氣調閑雅進趣合儀巧演如流多劫無盡  
善觀諸法皆同幻事陽焰夢境水月響聲亦  
如空花鏡像光影又等變化及尋香城知皆  
無實唯現似有心不下劣無畏泰然一切法  
門皆能悟入有情勝解心行所趣通達無礙  
而拔濟之成最上忍善知實性攝受大願無

金

若四百一

二

方



邊佛土普於十方無數諸佛等持正念常能  
現前爲度有情歷事諸佛勸請久住轉正法  
輪滅諸隨眠見趣纏垢遊戲無量百千等持  
引發無邊殊勝善法是諸菩薩摩訶薩衆具  
如是等無量功德其名曰賢護菩薩寶性菩  
薩導師菩薩仁授菩薩星授菩薩常授菩薩  
德藏菩薩上慧菩薩寶藏菩薩勝慧菩薩增  
長慧菩薩不虛見菩薩善發趣菩薩善勇猛  
菩薩常精進菩薩常加行菩薩不捨軌菩薩  
日藏菩薩無比慧菩薩觀自在菩薩得大勢  
菩薩妙吉祥菩薩金剛慧菩薩寶印手菩薩  
常舉手菩薩慈氏菩薩如是等無量百千俱

祇那度多菩薩摩訶薩皆法王子堪紹尊位  
而為上首尔時世尊於師子座上自敷左師  
壇結加趺坐端身正願住對面念入等持王  
妙三摩地諸三摩地皆攝入此三摩地中是  
所流故尔時世尊正知正念從等持王安庠  
而起以淨天眼觀察十方殊伽沙等諸佛世  
界舉身怡悅從兩足下千輻輪相各放六十  
百千俱祇那度多光從足十指兩趺兩跟四  
踝兩脛兩腓兩膝兩脛兩股腰脇腹背齋中  
心上曾臆德字兩乳兩腋兩肩兩膊兩肘兩  
臂兩腕兩手兩掌十指項咽頤頷頰額頭頂  
兩眉兩眼兩耳兩鼻口四牙四十齒眉間毫

金

若四百一

三

方



相一一身分各放六十百千俱胝那庾多光  
此一一光各照三千大千世界從此展轉遍  
照十方殑伽沙等諸佛世界其中有情遇斯  
光者必得無上正等菩提尔時世尊舉身毛  
孔皆悉熙怡各出六十百千俱胝那庾多光  
是一一光各照三千大千世界從此展轉遍  
照十方殑伽沙等諸佛世界其中有情遇斯  
光者必得無上正等菩提尔時世尊演身常  
光照此三千大千世界從此展轉遍照十方  
殑伽沙等諸佛世界其中有情遇斯光者必  
得無上正等菩提尔時世尊從其面門出廣  
長舌相遍覆三千大千世界熙怡微笑復從

舌相流出無量百千俱胝那庾多光其光雜  
色從此雜色一一光中現寶蓮華其華千葉  
皆真金色衆寶粧嚴如是光華遍三千界從  
此展轉周流十方殑伽沙等諸佛世界諸華  
臺中皆有化佛結加趺坐演妙法音一一法  
音皆說六種波羅蜜多相應之法有情聞者

必得無上正等菩提爾時世尊不起于座復  
入師子遊戲等持現神通力令此三千大千  
世界六種變動謂動極動等極動踊極踊等  
極踊震極震等極震擊極擊等極擊吼極吼  
等極吼爆極爆等極爆又令此界東涌西沒  
西涌東沒南涌北沒北涌南沒中涌邊沒邊



涌中沒其地清淨光澤細軟生諸有情利益  
安樂時此三千大千世界所有地獄傍生鬼  
界及餘無暇險惡趣坑一切有情皆離苦難  
從此捨命得生人中及六欲天皆憶宿住歡  
喜踊躍同詣佛所以殷淨心頂禮佛足從此  
展轉周遍十方殑伽沙等諸佛世界以佛神  
力六種變動時彼世界諸惡趣等一切有情  
皆離苦難從彼捨命得生人中及六欲天皆  
憶宿住歡喜踊躍各於本界同詣佛所頂禮  
佛足時此三千大千世界及餘十方殑伽沙  
等世界有情盲者能視聾者能聽瘖者能言  
狂者得念亂者得定貧者得富露者得衣飢

者得食渴者得飲病者得除愈醜者得端嚴  
形殘者得具足根缺者得圓滿迷悶者得醒  
悟疲頓者得安適時諸有情等心相向如父  
如母如兄如弟如姊如妹如友如親離邪語  
業命修正語業命離十惡業道修十善業道  
離惡尋思修善尋思離非梵行修正梵行好  
淨棄穢樂靜捨誼身意泰然忽生妙樂如修  
行者入第三定復有勝慧歛尔現前咸作是  
思布施調伏安忍勇進寂靜諦觀遠離放逸  
修行梵行於諸有情慈悲喜捨不相擾惱豈  
不善哉尔時卅尊在師子座光明殊特威德  
巍巍映蔽三千大千世界并餘十方殑伽沙



等諸佛國土蘇迷盧山輪圍山等及餘一切  
龍神天宮乃至淨居皆悉不現如秋滿月暉  
映衆星如夏日輪光奪諸色如四大寶妙高  
山王掩蔽諸山喪其光彩佛以神力現本色  
身令此三千大千世界一切有情皆悉覩見  
時此三千大千世界無量無數淨居諸天下  
命至欲界四大王衆天及餘一切人非人等皆  
若四百一見如來處師子座威光顯曜如大金山歡喜  
五踊躍歎未曾有各持種種上妙華鬘塗散等  
香衣服纓絡寶幢幡蓋伎樂諸珍及無量種  
天青蓮華天赤蓮華天白蓮華天香蓮華天  
黃蓮華天紅蓮華天金錢樹華及香葉華并

餘無量水陸生華持詣佛所奉散佛上以佛  
神力諸華鬘等旋轉上踊合成華臺量等三  
千大千世界垂天華蓋寶鐸珠幡綺飾紛綸  
甚可愛樂時此佛土微妙莊嚴猶如西方極  
樂世界佛光暉映三千大千物類虛空皆同  
金色十方各等苑伽河沙諸佛世界亦復如  
是時此三千大千佛土以佛神力一切天人  
各各見佛正坐其前咸謂如來獨爲說法尔  
時卅尊不起于座熙怡微笑從其面門放大  
光明遍照三千大千佛土并餘十方苑伽沙  
等諸佛世界時此三千大千佛土一切有情  
尋佛光明普見十方苑伽沙等諸佛世界一



切如來應正等覺聲聞菩薩衆會圍遶及餘一切有情無情品類差別時彼十方殑伽沙等諸佛世界一切有情尋佛光明亦見此土釋迦牟尼如來應正等覺聲聞菩薩衆會圍遶及餘一切有情無情品類差別今時東方盡流伽沙等世界最後世界名曰多寶佛号

寶性現爲菩薩說大般若波羅蜜多彼有菩薩名曰普光見此大光大地變動及佛身相心懷猶豫前詣佛所白言世尊何因何緣而有此瑞時寶性佛告普光言從此西方盡流伽沙等世界最後世界名曰堪忍佛号釋迦牟尼將爲菩薩說大般若波羅蜜多彼佛神

力故現斯瑞普光聞已歡喜踊躍白言世尊  
我今請往堪忍世界觀禮供養釋迦牟尼佛  
及菩薩衆唯願聽許時寶性佛告普光言善  
哉善哉隨汝意往即以千葉金色蓮華其華  
千葉衆寶莊嚴授與普光而誨之曰汝持此  
華至釋迦牟尼佛所如我詞曰寶性如來致  
問無量少病少惱起居輕利氣力調和安樂  
住不世事可忍不衆生易度不持此蓮華以  
寄世尊而爲佛事汝至彼界應住正知勿以  
慢心觀彼佛土及諸大衆而自毀傷所以者  
何彼諸菩薩威德難及悲願熏心以大因緣  
而生彼土普光菩薩受華奉勅與無量百千



俱胝那庾多菩薩及無數百千童男童女頂  
禮佛足右繞奉辭各持無量上妙供具發引  
而來所經東方諸佛世界一一佛所供養恭  
敬尊重讚歎無空過者到此佛所頂禮雙足  
繞百千匝却住一面普光菩薩前白佛言世  
尊從此東方盡殫伽沙等世界最後世界名  
曰多寶佛号寶性致問世尊無量少病少惱  
起居輕利氣力調和安樂住不世事可忍不  
衆生易度不持此千莖金色蓮華以寄世尊  
而爲佛事時釋迦牟尼佛受此蓮華還散東  
方諸佛世界佛神力故令此蓮華遍諸佛土  
諸華臺中各有化佛結加趺坐爲諸菩薩說

大般若波羅蜜多有情聞者必得無上正等  
菩提是時普光及諸眷屬見此事已歡喜踊  
躍歎未曾有各隨善根供具多少供養恭敬  
尊重讚歎佛菩薩已退坐一面餘東方界皆  
亦如是尔時南方盡殑伽沙等世界最後世  
界名離一切憂佛号無憂德現為菩薩說大  
般若波羅蜜多彼有菩薩名曰離憂見此大  
光大地變動及佛身相心懷猶豫前詣佛所  
白言世尊何因何緣而有此瑞時無憂德佛  
告離憂言從此北方盡殑伽沙等世界最後  
世界名曰堪忍佛号釋迦牟尼將為菩薩說  
大般若波羅蜜多彼佛神力故現斯瑞離憂



聞已歡喜踊躍白言世尊我今請往堪忍世  
界觀禮供養釋迦牟尼佛及菩薩衆唯願聽  
許時無憂德佛告離憂言善哉善哉隨汝意  
往即以千葉金色蓮華其華千葉衆寶莊嚴  
授與離憂而誨之曰汝持此華至釋迦牟尼  
佛所如我詞曰無憂德佛致問無量少病少  
惱起居輕利氣力調和安樂住不世事可忍  
不衆生易度不持此蓮華以寄世尊而爲佛  
事汝至彼界應住正知勿以慢心觀彼佛土  
及諸大衆而自毀傷所以者何彼諸菩薩威  
德難及悲願熏心以大因緣而生彼土離憂  
菩薩受華奉勅與無量百千俱胝那度多菩

薩及無數百千童男童女頂禮佛足右繞奉  
辭各持無量上妙供具發引而來所經南方  
諸佛世界一一佛所供養恭敬尊重讚歎無  
空過者到此佛所頂禮雙足繞百千帀却住  
一面離憂菩薩前白佛言世尊從此南方盡  
殞伽沙等世界最後世界名離一切憂佛号  
無憂德致問世尊無量少病少惱起居輕利  
氣力調和安樂住不世事可忍不衆生易度  
不持此千莖金色蓮華以寄世尊而爲佛事  
時釋迦牟尼佛受此蓮華還散南方諸佛世  
界佛神力故令此蓮華遍諸佛土諸華臺中  
各有化佛結加趺坐爲諸菩薩說大般若波



羅蜜多有情聞者必得無上正等菩提是時  
離憂及諸眷屬見此事已歡喜踊躍歎未曾  
有各隨善根供具多少供養恭敬尊重讚歎  
佛菩薩已退坐一面餘南方界皆亦如是

尔時西方盡殫伽沙等世界最後世界名近  
寂靜佛号寶焰現為菩薩說大般若波羅蜜

金

卷四百一

八

方

多彼有菩薩名曰行慧見此大光大地變動  
及佛身相心懷猶豫前詣佛所白言世尊何  
因何緣而有此瑞時寶焰佛告行慧言從此  
東方盡殫伽沙等世界最後世界名曰堪忍  
佛号釋迦牟尼將為菩薩說大般若波羅蜜  
多彼佛神力故現斯瑞行慧聞已歡喜踊躍

白言世尊我今請往堪忍世界觀禮供養釋迦牟尼佛及菩薩衆唯願聽許時寶焰佛告行慧言善哉善哉隨汝意往即以千莖金色蓮華其華千葉衆寶莊嚴授與行慧而誨之曰汝持此華至釋迦牟尼佛所如我詞曰寶焰如來致問無量少病少惱起居輕利氣力調和安樂住不世事可忍不衆生易度不持此蓮華以寄世尊而爲佛事汝至彼界應住正知勿以慢心觀彼佛土及諸大衆而自毀傷所以者何彼諸菩薩威德難及悲願熏心以大因緣而生彼土行慧菩薩受華奉勅與無量百千俱胝那庾多菩薩及無數百千童



男童女頂禮佛足右繞奉辭各持無量上妙  
供具發引而來所經西方諸佛世界一一佛  
所供養恭敬尊重讚歎無空過者到此佛所  
頂禮雙足遶百千匝却住一面行慧菩薩前  
白佛言世尊從此西方盡殫伽沙等世界最  
後世界名近寂靜佛号寶焰致問世尊無量  
金少病少惱起居輕利氣力調和安樂住不世  
若四百一事可忍不衆生易度不持此千莖金色蓮華  
九以寄世尊而爲佛事時釋迦牟尼佛受此蓮  
華還散西方諸佛世界佛神力故今此蓮華  
遍諸佛土諸華臺中各有化佛結加趺坐爲  
諸菩薩說大般若波羅蜜多有情聞者必得

無上正等菩提是時行慧及諸眷屬見此事  
已歡喜踊躍歎未曾有各隨善根供具多少  
供養恭敬尊重讚歎佛菩薩已退坐一面餘  
西方界皆亦如是爾時北方盡殫伽沙等世  
界最後世界名曰最勝佛号勝帝現為菩薩  
說大般若波羅蜜多彼有菩薩名曰勝授見  
此大光大地變動及佛身相心懷猶豫前詣  
佛所白言世尊何因何緣而有此瑞時勝帝  
佛告勝授言從此南方盡殫伽沙等世界最  
後世界名曰堪忍佛号釋迦牟尼將為菩薩  
說大般若波羅蜜多彼佛神力故現斯瑞勝  
授聞已歡喜踊躍白言世尊我今請往堪忍



世界觀禮供養釋迦牟尼佛及菩薩衆唯願  
聽許時勝帝佛告勝授言善哉善哉隨汝意  
往即以千莖金色蓮華其華千葉衆寶莊嚴  
授與勝授而誨之曰汝持此華至釋迦牟尼  
佛所如我詞曰勝帝如來致問無量少病少  
惱起居輕利氣力調和安樂住不世事可忍  
不衆生易度不持此蓮華以寄世尊而爲佛  
事汝至彼界應住正知勿以慢心觀彼佛土  
及諸大衆而自毀傷所以者何彼諸菩薩威  
德難及悲願熏心以大因緣而生彼土勝授  
菩薩受華奉勅與無量百千俱胝那庾多菩  
薩及無數百千童男童女頂禮佛足右繞奉

辭各持無量妙供具發引而來所經北方  
諸佛世界一一佛所供養恭敬尊重讚歎無  
空過者到此佛所頂禮雙足繞百千匝却住  
一面勝授菩薩前白佛言世尊從此北方盡  
殫伽沙等世界最後世界名曰最勝佛号勝  
帝致問世尊無量少病少惱起居輕利氣力  
金調和安樂住不世事可忍不衆生易度不持  
若四百一此千莖金色蓮華以寄世尊而爲佛事時釋  
迦牟尼佛受此蓮華還散北方諸佛世界佛  
神力故令此蓮華遍諸佛土諸華臺中各有  
化佛結加趺坐爲諸菩薩說大般若波羅蜜  
多有情聞者必得無上正等菩提是時勝授



及諸眷屬見此事已歡喜踊躍歎未曾有名  
隨善根供具多少供養恭敬尊重讚歎佛菩  
薩已退坐一面餘北方界皆亦是爾時東  
北方盡殫伽沙等世界最後世界名定莊嚴  
佛号定象勝德現為菩薩說大般若波羅蜜  
多彼有菩薩名離塵勇猛見此大光大地變  
動及佛身相心懷猶預前詣佛所白言世尊  
何因何緣而有此瑞時定象勝德佛告離塵  
勇猛言從此西南方盡殫伽沙等世界最後  
世界名曰堪忍佛号釋迦牟尼將為菩薩說  
大般若波羅蜜多彼佛神力故現斯瑞離塵  
勇猛聞已歡喜踊躍白言世尊我今請往堪

忍世界觀禮供養釋迦牟尼佛及菩薩衆唯  
願聽許時定象勝德佛告離塵勇猛言善哉  
善哉隨汝意往即以千葉金色蓮華其華千  
葉衆寶莊嚴授離塵勇猛而誨之曰汝持此  
華至釋迦牟尼佛所如我詞曰定象勝德如  
來致問無量少病少惱起居輕利氣力調和  
金安樂住不世事可忍不衆生易度不持此蓮  
卷四之一華以寄世尊而爲佛事汝至彼界應住正知  
勿以慢心觀彼佛土及諸大衆而自毀傷所  
以者何彼諸菩薩威德難及悲願熏心以大  
因緣而生彼界離塵勇猛菩薩受華奉勅與  
無量百千俱胝那更多菩薩及無數百千童



男童女頂禮佛足右繞奉辭各持無量土妙  
供具發引而來所經東北方諸佛世界一一  
佛所供養恭敬尊重讚歎無空過者到此佛  
所頂禮雙足遶百千匝却住一面離塵勇猛  
菩薩前白佛言世尊從此東北方盡殞伽沙  
等世界最後世界名定莊嚴佛号定象勝德  
致問世尊無量少病少惱起居輕利氣力調  
和安樂住不世事可忍不衆生易度不持此  
千莖金色蓮華以寄世尊而爲佛事時釋迦  
牟尼佛受此蓮華還散東北方諸佛世界佛  
神力故令此蓮華遍諸佛土諸華臺中各有  
化佛結加趺坐爲諸菩薩說大般若波羅蜜

多有情聞者必得無上正等菩提時離塵勇  
猛及諸眷屬見此事已歡喜踊躍歎未曾有  
各隨善根供具多少供養恭敬尊重讚歎佛  
菩薩已退坐一面餘東北方皆亦如是

爾時東南方盡殑伽沙等世界最後世界名  
妙覺莊嚴甚可愛樂佛号蓮華勝德現為菩  
薩說大般若波羅蜜多彼有菩薩名蓮華手  
見此大光大地變動及佛身相心懷猶豫前  
詣佛所白言世尊何因何緣而有此瑞時蓮  
華勝德佛告蓮華手言從此西北方盡殑伽  
沙等世界最後世界名曰堪忍佛号釋迦牟  
左將為菩薩說大般若波羅蜜多彼佛神力



故現斯瑞蓮華手聞已歡喜踊躍白言世尊  
我今請往堪忍世界觀禮供養釋迦牟尼佛  
及菩薩衆唯願聽許時蓮華勝德佛告蓮華  
手言善哉善哉隨汝意往即以千莖金色蓮  
華其華千葉衆寶莊嚴授蓮華手而誨之曰  
汝持此華至釋迦牟尼佛所如我詞曰蓮華  
勝德如來致問無量少病少惱起居輕利氣  
力調和安樂住不世事可忍不衆生易度不  
持此蓮華以寄世尊而爲佛事汝至彼界應  
住正知勿以慢心觀彼佛土及諸大衆而自  
毀傷所以者何彼諸菩薩威德難及悲願熏  
心以大因緣而生彼土蓮華手菩薩受華奉

今

卷四百一

十一

方

勅與無量百千俱胝那庾多菩薩及無數百  
千童男童女頂禮佛足右繞奉辭各持無量  
上妙供具發引而來所經東南方諸佛世界  
一一佛所供養恭敬尊重讚歎無空過者到  
此佛所頂禮雙足繞百千匝却住一面蓮華  
手菩薩前白佛言世尊從此東南方盡殞伽  
沙等世界最後世界名妙覺莊嚴甚可愛樂  
佛号蓮華勝德致問世尊無量少病少惱起  
居輕利氣力調和安樂住不世事可忍不衆  
生易度不持此千莖金色蓮華以寄世尊而  
爲佛事時釋迦牟尼佛受此蓮華還散東南  
方諸佛世界佛神力故令此蓮華遍諸佛土



諸華臺中各有化佛結加趺坐為諸菩薩說  
大般若波羅蜜多有情聞者必得無上正等  
菩提時蓮華手及諸眷屬見此事已歡喜踊  
躍歎未曾有各隨善根供具多少供養恭敬  
尊重讚歎佛菩薩已退坐一面餘東南方皆  
亦如是爾時西南方盡殞伽沙等世界最後  
世界名離塵聚佛号日輪遍照勝德現為菩  
薩說大般若波羅蜜多彼有菩薩名日光明  
見此大光大地變動及佛身相心懷猶豫前  
詣佛所白言世尊何因何緣而有此瑞時日  
輪遍照勝德佛告日光明菩薩言從此東北  
方盡殞伽沙等世界最後世界名曰堪忍佛

至

若四百一

十三

方

号釋迦牟尼將為菩薩說大般若波羅蜜多  
彼佛神力故現斯瑞日光明聞已歡喜踊躍  
白言世尊我今請往堪忍世界觀禮供養釋  
迦牟尼佛及菩薩衆唯願聽許時日輪遍照  
勝德佛告日光明言善哉善哉隨汝意往即  
以千莖金色蓮華其華千葉衆寶莊嚴授日  
光明而誨之曰汝持此華至釋迦牟尼佛所  
如我詞曰日輪遍照勝德如來致問無量少  
病少惱起居輕利氣力調和安樂住不世事  
可忍不衆生易度不持此蓮華以寄世尊而  
為佛事汝至彼界應住正知勿以慢心觀彼  
佛土及諸大衆而自毀傷所以者何彼諸菩



薩威德難及悲願熏心以大因緣而生彼土  
日光明菩薩受華奉勅與無量百千俱胝那  
庾多菩薩及無數百千童男童女頂禮佛足  
右繞奉辭各持無量上妙供具發引而來所  
經西南方諸佛世界一一佛所供養恭敬尊  
重讚歎無空過者到此佛所頂禮雙足遶百  
千帀却住一面日光明菩薩前白佛言世尊  
從此西南方盡殫伽沙等世界最後世界名  
離塵聚佛号日輪遍照勝德致問世尊無量  
少病少惱起居輕利氣力調和安樂住不世  
事可忍不衆生易度不持此千莖金色蓮華  
以寄世尊而爲佛事時釋迦牟尼佛受此蓮

華還散西南方諸佛世界佛神力故令此蓮  
華遍諸佛土諸華臺中各有化佛結加趺坐  
爲諸菩薩說大般若波羅蜜多有情聞者必  
得無上正等菩提時日光明及諸眷屬見此  
事已歡喜踊躍歎未曾有各隨善根供具多  
少供養恭敬尊重讚歎佛菩提已退坐一面餘西  
南方皆亦如是若四百一 今時西北方盡苑伽沙等世界  
最後世界名真自在佛号一寶蓋勝現爲菩薩  
說大般若波羅蜜多彼有菩薩名曰寶勝見  
此大光大地變動及佛身相心懷猶豫前詣  
佛所白言世尊何因何緣而有此瑞時一寶  
蓋勝佛告寶勝言從此東南方盡苑伽沙等

至

若四百一

十四

十



世界最後世界名曰堪忍佛号釋迦牟尼將  
爲菩薩說大般若波羅蜜多彼佛神力故現  
斯瑞寶勝聞已歡喜踊躍白言世尊我今請  
往堪忍世界觀禮供養釋迦牟尼佛及菩薩  
衆唯願聽許時一寶蓋勝佛告寶勝言善哉  
善哉隨汝意往即以千莖金色蓮華其華千  
葉衆寶莊嚴授與寶勝而誨之曰汝持此華  
至釋迦牟尼佛所如我詞曰一寶蓋勝如來  
致問無量少病少惱起居輕利氣力調和安  
樂住不世事可忍不衆生易度不持此蓮華  
以寄世尊而爲佛事汝至彼界應住正知勿  
以慢心觀彼佛土及諸大衆而自毀傷所以

者何彼諸菩薩威德難及悲願熏心以大因緣而生彼土寶勝菩薩受華奉勅與無量百千俱胝那庾多菩薩及無數百千童男童女頂禮佛足右繞奉辭各持無量上妙供具發引而來所經西北方諸佛世界一一佛所供養恭敬尊重讚歎無空過者到此佛所頂禮

至

若四百一

十五

方

雙足繞百千匝却住一面寶勝菩薩前白佛言世尊從此西北方盡殞伽沙等世界最後世界名真自在佛号一寶蓋勝致問世尊無量少病少惱起居輕利氣力調和安樂住不世事可忍不衆生易度不持此千莖金色蓮華以寄世尊而為佛事時釋迦牟尼佛受此



蓮華還散西北方諸佛世界佛神力故令此  
蓮華遍諸佛土諸華臺中各有化佛結加趺  
坐爲諸菩薩說大般若波羅蜜多有情聞者  
必得無上正等菩提是時寶勝及諸眷屬見  
此事已歡喜踊躍歎未曾有各隨善根供具  
多少供養恭敬尊重讚歎佛菩薩已退坐一  
面餘西北方皆亦如是尔時下方盡苑伽沙  
等世界最後世界名曰蓮華佛号蓮華德現  
爲菩薩說大般若波羅蜜多彼有菩薩名蓮  
華勝見此大光大地變動及佛身相心懷猶  
豫前詣佛所白言世尊何因何緣而有此瑞  
時蓮華德佛告蓮華勝言從此上方盡苑伽

沙等世界最後世界名曰堪忍佛号釋迦牟尼將爲菩薩說大般若波羅蜜多彼佛神力故現斯瑞蓮華勝聞已歡喜踊躍白言世尊我今請往堪忍世界觀禮供養釋迦牟尼佛及菩薩衆唯願聽許時蓮華德佛告蓮華勝言善哉善哉隨汝意往即以千葉金色蓮華

其華千葉衆寶莊嚴授蓮華勝而誨之曰汝持此華至釋迦牟尼佛所如我詞曰蓮華德如來致問無量少病少惱起居輕利氣力調和安樂住不世事可忍不衆生易度不持此蓮華以寄世尊而爲佛事汝至彼界應住正知勿以慢心觀彼佛土及諸大衆而自毀傷



所以者何彼諸菩薩威德難及悲願熏心以  
大因緣而生彼土蓮華勝菩薩受華奉勅與  
無量百千俱胝那庾多菩薩及無數百千童  
男童女頂禮佛足右繞奉辭各持無量上妙  
供具發引而來所經下方諸佛世界一一佛  
所供養恭敬尊重讚歎無空過者到此佛所  
重頂禮雙足繞百千匝却住若四百一一面蓮華勝菩薩  
十一前白佛言世尊從此下方盡殞伽沙等世界  
最後世界名曰蓮華佛号蓮華德致問世尊  
無量少病少惱起居輕利氣力調和安樂住  
不世事可忍不衆生易度不持此千莖金色  
蓮華以寄世尊而爲佛事時釋迦牟尼佛受

此蓮華還散下方諸佛世界佛神力故令此  
蓮華遍詣佛土諸華臺中各有住佛結加趺  
坐爲諸菩薩說大般若波羅蜜多有情聞者  
必得無上正等菩提時蓮華勝及諸眷屬見  
此事已歡喜踊躍歎未曾有各隨善根供具  
多少供養恭敬尊重讚歎佛菩薩已退坐一  
面餘下方界皆亦是爾時上方盡殫伽沙  
等世界最後世界名曰歡喜佛号喜德現爲  
菩薩說大般若波羅蜜多有菩薩名曰喜  
授見此大光大地變動及佛身相心懷猶豫  
前詣佛所白言世尊何因何緣而有此瑞時  
喜德佛告喜授言從此下方盡殫伽沙等世



界最後世界名曰堪忍佛号釋迦牟尼將爲  
菩薩說大般若波羅蜜多彼佛神力故現斯  
瑞喜授聞已歡喜踊躍白言世尊我今請往  
堪忍世界觀禮供養釋迦牟尼佛及菩薩衆  
唯願聽許時喜德佛告喜授言善哉善哉隨  
汝意往即以千莖金色蓮華其華千葉衆寶  
莊嚴授與喜授而誨之曰汝持此華至釋迦  
牟尼佛所如我詞曰喜德如來致問無量少  
病少惱起居輕利氣力調和安樂住不世事  
可忍不衆生易度不持此蓮華以寄世尊而  
爲佛事汝至彼界應住正知勿以慢心觀彼  
佛土及諸大衆而自毀傷所以者何彼諸菩

年

若四百

十七

才

薩威德難及悲願熏心以大因緣而生彼土  
喜授菩薩受華奉勅與無量百千俱胝那度  
多菩薩及無數百千童男童女頂禮佛足右  
繞奉辭各持無量上妙供具發引而來所經  
上方諸佛世界一一佛所供養恭敬尊重讚  
歎無空過者到此佛所頂禮雙足繞百千匝  
却住一面喜授菩薩前白佛言世尊從此上  
方盡苑伽沙等世界最後世界名曰歡喜佛  
号喜德致問世尊無量少病少惱起居輕利  
氣力調和安樂住不世事可忍不衆生易度  
不持此千莖金色蓮華以寄世尊而爲佛事  
時釋迦牟尼佛受此蓮華還散上方諸佛世



界佛神力故令此蓮華遍諸佛土諸華臺中  
皆有化佛結加趺坐爲諸菩薩說大般若波  
羅蜜多有情聞者必得無上正等菩提是時  
喜授及諸眷屬見此事已歡喜踊躍歎未曾  
有各隨善根供具多少供養恭敬尊重讚歎  
佛菩薩已退坐一面餘上方界皆亦如是

爾時於此三千大千堪忍世界衆寶充滿諸  
妙香華遍布其地寶幢幡蓋處處行列華樹  
果樹香樹鬘樹衣樹寶樹諸雜飾樹周遍莊  
嚴甚可愛樂如衆蓮華世界普華如來淨土  
曼殊室利童子善住慧菩薩及餘無量大威  
德菩薩摩訶薩本所居士

大般若波羅蜜多經卷第四百一

金

苾芻草上頻也故喻出家二反下楚俱反香逮逮代音

下正鄔波近上事男古反事女也謂親近三寶而伏

婆塞優婆夷翹勤遙上渠反匪懈上方尾反不

亦一憊矯誑反上居小軛厄音俱肱下千度多

千億於主反苑伽反上其陵怡悅反上羊之輻輪音上

福車轂所跌音夫足跟音根踈胡瓦反脛胡

反也膾膾時軟反脞蒲米反腿音古脇許

反亦胷胷下音憶腋音亦膊音博肘知

節反腕腕二同鳥貫項音胡頤音柳

之反頰頰額上吾帖反爆必自反細字下軟

暇音夏欵尔卒上許勿反魏愚歸映蔽反上敬



反祭

奪奪

活二同反

徒

髮

反莫班

鐸

徒鈴各反

紛

紛綸

莖

反古耕

惚惱

文上古

偽鳥

上二象字誤也

時宗源書

傳方玉刊

大檀越成忠郎趙安國一力刊經一部六百卷



